

28 Maggio 2007.

Edimburgu - 3 maju.

Su Scottish National Party (SNP) de Salmond inghete sas eletziones pro su renovu de su cussizzu parlamentare (UK).
Finini chimbant' annos de dominiu laburista in Iscotzia.

Parigi - 6 maju.

Sarkozy (UMP) inghete sas eletziones, a s' Eliseo chin su 53, 06% de sos votos.
Segolene Royal (Partitu Sotzialista), 46, 94% de sas preferentzias.
Votantes: 44.472.198, affluentzia: 83, 97%.

Londra - 11 maju.

Urtimas paraulas pubricas de Blair prima de su ritiru: *"Appo attu sa cosa tzusta, lasso una nazione prospera, mi iscusu si carchi orta appo irballatu"*.
Dopo 10 annos, Gordon Brown golliti s' ereditate de sos laburistas.

Mosca - 14 maju.

Alliantzia politica e economica Gazprom-Cremlinu chin sas republicas de Kazakistan e Uzbekistan pro fraicare intro de un' annu una nova linea pro colare su gasu.

S' istimat unu trafficu de 10 miliardos de metros cubos s' annu de combustibile.
Sichiti su consolidamentu de sa politica economica de influentzia estera de Putin chin sa controllata Gazprom.

Herat - 14 maju.

Attaccatu su 151/mu de sa Brigata Sassari in Afghanistan dai sos Talebanos, 2 militares Sardos jutoso a cuntrollu medicu.

Edimburgu - 16 maju.

Salmond premier indipendentista de sa Nazione amministrata dai Londra.
Chin 47 deputatos supra 129, maggioranza cundizionata dai sos unionistas de sas atteras formatziones politicas iscotzesas.

Ankara - 22 maju.

Attentatu in sa capitale turca, 6 mortos e 121 pessones postas issutta dai s' esplosione.
Si indagata in s' ambitu de su ezzu PKK.
Indipendentistas kurdos parene istranzos a custa barbarie terrorista.

Yangon - 25 maju.

Rinnovatos sos arrestos domiciliaries de sa leader democratica Aung San Suu Kyi.
Sa giunta militare de sa ex Birmania guvernata su 1962.

Washington D.C. - 25 maju.

Vittoria de Bush a su congressu pro su finanziamentu de sas missiones irakena e afghana.
Su presidente timet una estate de sambene pro sos novos attaccos a sos militares chi ana operare in cussu periodu.

Pyongyang - 25 maju.

Nou test missilisticu nord-koreanu in su mare giapponesu. Su governu nipponicu vaeddada de "provocatzione".
Preoccupatzione dai Washington.

Gaza - 26 maju.

Sichini sos raids aereos de s' aviazione israeliana kuntra sos palestinos de Gaza city.

Militzianos de Hamas attaccana su tzentru ebraicu de Sderot chin razzoso e korfos de artiglieria.

S' ala de Fatah, esponente de Abu Mazen, chircat de no ruere in una lezza gherra interna chin sos frates palestinos.

Dublinu - 27 maju.

Su partitu de su presidente Bertie Ahern abarrat in carica chin 78 deputatos supra 166.

Guvernu novu chin laburistas o irdes intra su 14 de su mese chi est enende.

Caracas - 27 maju.

Chavez serrata su sicundu canale RCTV venezuelanu. Si timete pro sa libertate de espressione.

Protestantes in sas istradas pro manifestare kuntra su presidente sotzialista.

Damascu - 27 maju.

Populu sirianu a su referendum pro sa cunfirma de Bashar Al Assad a sa presidentzia pro atteros 7 annos.

Su regime Baathista tenet Assad dai su 2000, unicu candidatu in una nazione chi no est libera de esprimere politicos democraticos.

Kiev - 27 maju.

30/09 pro sas noas eletziones in Ucraina, s' allentata sa chistione politica chi idete su primu ministru Yanukovich in lotta chin su presidente Yushenko.

Mundos politicos-economicos chi si separana pro s' influenza de sa Russia e de Bruxelles.

Beirut - 27 maju.

Duas esplosiones in su distrettu de sa capitale libanesa e korfos de artiglieria in cursu trai sos militares de s' armata regolare nazione e sos militantes de Fatah al Islam akuattos inintro su campu palestinesu de Tripoli.

Team de militzianos ligatoso chin sa presunta Al-Qaeda e chi ana minezzatu de allargare sas atziones de gherra a tottu su Libanu si s' armata de Beirut sichit a bumbardare su campu palestinesu pro causa issoro.

Su premier Siniora narat chi Damascu est finanziande Fatah al islam pro impedire su prossimu travallu de sa commissione cherfita dai s' ONU pro indagare supra sa morte de su candidatu premier Hariri in su 2005.

S' ala de Hizb' Allah narat chi Al-Qaeda est fraicata dai s' America pro destabilizzare su mundu arabu e mantennere sa leadership geostrategica in tottu su Mediu Oriente. S' Iran sichit a minetzare Israele. Prus de 80 mortos finu a commo vitzinu Tripoli.

Tregua allentata dai diversas dies, si aspettana noas de pache.

URN Sardinnya

www.urn-indipendentzia.com